

## UNIDADE 10. ACTIVIDADES PARA AUTOAVALIACIÓN.

**PENSUM 1:** Forma e declina o comparativo de superioridade do adxectivo **felix, felīcis** *feliz*

CASO	SINGULAR		PLURAL	
	Masc. e Fem.	Neutro	Masc. e Fem.	Neutro
Nominativo				
Vocativo				
Acusativo				
Xenitivo				
Dativo				
Ablativo				

**PENSUM 2:** Analiza morfosintacticamente e traduce as seguintes oracións, coa axuda do vocabulario:

**Ferrum durius et utilius auro est; sed aurum magis pretiōsum quam ferrum est.**

**PENSUM 3:** Declina o participio de perfecto de **lego**.

CASO	SINGULAR			PLURAL		
	Masculino	Feminino	Neutro	Masculino	Feminino	Neutro
Nominativo						
Vocativo						
Acusativo						
Xenitivo						
Dativo						
Ablativo						

**PENSUM 4:** Forma os participios de presente, perfecto e futuro do verbo  
**rapio, rapis, rapĕre, rapui, raptum** (*arrebatar*)

VOZ	PARTICIPIOS		
	PRESENTE	PERFECTO	FUTURO
ACTIVA		-----	
PASIVA	-----		

**PENSUM 5:** Analiza as frases seguintes, respondendo ás preguntas que sobre elas se fan:

**Caesar videns milites ad pugnam paratos signum dedit.**

Na primeira oración só hai un verbo en forma persoal \_\_\_\_\_. Tamén, dúas formas non persoais ou nominais, concretamente, dous participios: \_\_\_\_\_ e \_\_\_\_\_.

*Análise morfolóxica:*

Morfoloxicamente, **videns** é un participio de presente, que vai en caso \_\_\_\_\_ ou \_\_\_\_\_. Pola súa parte, **paratos** é un participio de \_\_\_\_\_, que vai en caso \_\_\_\_\_. Como ningún dos participios está en caso ablativo, non poden presentar unha construción de participio \_\_\_\_\_, pois só pode tratarse de participios \_\_\_\_\_.

**Videns** e **paratos** teñen que concordar cun substantivo en \_\_\_\_\_, \_\_\_\_\_ e \_\_\_\_\_. Polo tanto, **videns** concorda en xénero \_\_\_\_\_, número \_\_\_\_\_, e caso \_\_\_\_\_ con \_\_\_\_\_. **Paratos** concorda en xénero \_\_\_\_\_, número \_\_\_\_\_, e caso \_\_\_\_\_ con \_\_\_\_\_.

*Análise sintáctica:*

Ao analizar a frase, ten en conta que os participios poden levar os seus propios complementos, pois trátase de formas verbais. Así, **videns**, por ser un participio de presente con valor activo e por pertencer a **video**, verbo transitivo, ten que ter complemento directo. Pola súa parte, **paratos**, aínda que pertence a un verbo transitivo, **paro**, por ser un participio de perfecto con valor pasivo, non terá ese tipo de complemento, pero si pode levar outro que leven este tipo de verbos.

*Tradución:*

Ao traducir, recorda que o participio de presente se traduce por \_\_\_\_\_ ou por unha subordinada de \_\_\_\_\_ co verbo en \_\_\_\_\_ ou pretérito \_\_\_\_\_. O de perfecto, por \_\_\_\_\_ ou por unha subordinada adxectiva co verbo en \_\_\_\_\_ ou \_\_\_\_\_. O de futuro activo, por unha subordinada adxectiva con unha perífrase verbal que indique \_\_\_\_\_, \_\_\_\_\_ ou \_\_\_\_\_.

*Tradución:* \_\_\_\_\_

**Regnante Tarquinio, populus Romanus reges expulit.**

Na segunda oración, hai un verbo o en forma persoal \_\_\_\_\_. Ademais, unha forma verbal non persoal ou nominal, concretamente un participio, **regnante**.

*Análise morfolóxica:*

Morfoloxicamente, **regnante**, é un participio de \_\_\_\_\_. Está en caso \_\_\_\_\_. Concorda en \_\_\_\_\_, \_\_\_\_\_ e \_\_\_\_\_ con \_\_\_\_\_.

Por ir en caso ablativo pode tratarse dunha construción de participio \_\_\_\_\_ ou \_\_\_\_\_. Como **Tarquinio** non ten función sintáctica algunha na oración de **expulit**, e ademais as dúas palabras, **regnante** e **Tarquinio**, están delimitadas por unha coma, trátase dunha construción de participio \_\_\_\_\_.

Esta construción equivale a unha subordinada \_\_\_\_\_. Nela o suxeito vai en caso \_\_\_\_\_ e non leva \_\_\_\_\_.

*Análise sintáctica:*

Regnante Tarquinio	populus Romanus	reges	expulit

### Tradución

Ao traducir esta oración ten en conta que se traduce primeiro o \_\_\_\_\_. A continuación, e sen mediar preposicións, o \_\_\_\_\_.

Se o participio é de presente, tradúcese por \_\_\_\_\_. Se é de perfecto, por \_\_\_\_\_. No último suposto, o participio que o traduce ten que concertar en \_\_\_\_\_ e en \_\_\_\_\_ co substantivo que desempeña a función sintáctica de \_\_\_\_\_.

Tradución: \_\_\_\_\_

**PENSUM 6:** Analiza as seguintes frases, respondendo ás preguntas que sobre elas se fan:

#### **Caesar statuit ut milites pontem reficerent.**

Nesta primeira frase recoñécense dous verbos en forma persoal \_\_\_\_\_ e \_\_\_\_\_.

Polo tanto, existen \_\_\_\_\_ oracións. O verbo da primeira, **statuit**, é de natureza \_\_\_\_\_, necesitará un \_\_\_\_\_.

Ao non haber ningún substantivo en acusativo para desempeñar esa función, só pode realizala unha subordinada substantiva, **ut milites pontem reficerent**.

A análise da oración será:

Caesar	statuit	ut	milites	pontem	reficerent

Tradúcese: \_\_\_\_\_

#### **Certum est quod Romani castra summa cura muniabant.**

Nesta segunda frase, recoñécense dous verbos en forma persoal \_\_\_\_\_ e \_\_\_\_\_.

Polo tanto, existen \_\_\_\_\_ oracións. O verbo da primeira, **est**, é de natureza \_\_\_\_\_, o cal supón que se trata dunha oración \_\_\_\_\_.

Nela, o adxectivo **certum** desempeña a función de \_\_\_\_\_. A segunda oración está introducida pola conxunción \_\_\_\_\_ que é o elemento introductor dunha oración subordinada \_\_\_\_\_. Ten función de \_\_\_\_\_ de **est**.

A análise sintáctica é:

Certum	est	quod	Romani	castra	summa cura	muniabant

Tradúcese: \_\_\_\_\_

## SOLUCIONARIO

**PENSUM 1:** Fórmase sobre o tema **felic-** engadíndolle os sufixos **-ior** para masculino e feminino, e **-ius** para o neutro.

CASO	SINGULAR		PLURAL	
	Masc. e Fem.	Neutro	Masc. e Fem.	Neutro
Nominativo	<b>felicior</b>	<b>felicius</b>	<b>feliciōres</b>	<b>feliciōra</b>
Vocativo	<b>felicior</b>	<b>felicius</b>	<b>feliciōres</b>	<b>feliciōra</b>
Acusativo	<b>feliciōrem</b>	<b>felicius</b>	<b>feliciōres</b>	<b>feliciōra</b>
Xenitivo	<b>feliciōris</b>	<b>feliciōris</b>	<b>feliciōrum</b>	<b>feliciōrum</b>
Dativo	<b>feliciōri</b>	<b>feliciōri</b>	<b>feliciōribus</b>	<b>feliciōribus</b>
Ablativo	<b>feliciōre</b>	<b>feliciōre</b>	<b>feliciōribus</b>	<b>feliciōribus</b>

**PENSUM 2:** Analiza morfosintacticamente e traduce as seguintes oracións, coa axuda do vocabulario:

**Ferrum durius et utilius auro est; sed aurum magis pretiōsum quam ferrum est.**

**Ferrum**  
Suxeito  
1º termo

**durius et utilius**  
Atributo

**auro**  
Ablat. comparativo  
2º termo

**est**  
Verbo

**Ferrum:** nominat. sing. de **ferrum, ferri** (n). Función sintáctica: suxeito. É o primeiro termo da comparación.

**durius:** nominat. sing. neutro de **durior, durius**, comparativo de superioridade do adxectivo **durus, dura, durum**. Función sintáctica: atributo.

**et:** conxunción copulativa. Une dous adxectivos en grao comparativo que forman o atributo.

**utilius:** nominat. sing. neutro de **utilior, utilius**, comparativo de superioridade do adxectivo **utilis, utile**. Función sintáctica: atributo

**auro:** ablat. sing. de **aurum auri** (n.). Función sintáctica: ablativo comparativo. É o segundo termo da comparación.

**est:** 3ª persoa do singular do presente de indicativo do verbo **sum**.

**sed**  
Conx.

**aurum**  
Suxeito  
1º termo

**magis**  
Adverb.

**pretiōsum**  
Atributo

**quam**  
Conx.  
2º termo

**ferrum**  
n.sg.

**est**  
Verbo

**sed:** conxunción adversativa

**aurum:** nominat. sing. de **aurum, auri** (n). Función sintáctica: suxeito. É o primeiro termo da comparación.

**magis:** adverbio.

**pretiōsum:** nominat. sing. neutro de **pretiōsus, pretiōsa, pretiōsum**. Función sintáctica: atributo.

**quam:** conxunción. Elemento introdutor do segundo termo da comparación.

**ferrum:** nominat. sing. de **ferrum, ferri** (n). Función sintáctica: segundo termo da comparación.

**est:** 3ª persoa do singular do presente de indicativo do verbo **sum**.

**Tradución:** O ferro é máis duro e máis útil que o ouro; pero o ouro é máis precioso que o ferro.

**PENSUM 3:** Declina o participio de perfecto de **lego**.

CASO	SINGULAR			PLURAL		
	Mascul.	Feminino	Neutro	Mascul.	Feminino	Neutro
Nominativo	<b>lectus</b>	<b>lecta</b>	<b>lectum</b>	<b>lecti</b>	<b>lectae</b>	<b>lecta</b>
Vocativo	<b>lecte</b>	<b>lecta</b>	<b>lectum</b>	<b>lecti</b>	<b>lectae</b>	<b>lecta</b>
Acusativo	<b>lectum</b>	<b>lectam</b>	<b>lectum</b>	<b>lectos</b>	<b>lectas</b>	<b>lecta</b>
Xenitivo	<b>lecti</b>	<b>lectae</b>	<b>lecti</b>	<b>lectōrum</b>	<b>lectārum</b>	<b>lectōrum</b>
Dativo	<b>lecto</b>	<b>lectae</b>	<b>lecto</b>	<b>lectis</b>	<b>lectis</b>	<b>lectis</b>
Ablativo	<b>lecto</b>	<b>lecta</b>	<b>lecto</b>	<b>lectis</b>	<b>lectis</b>	<b>lectis</b>

**PENSUM 4:** Forma os participios de presente, perfecto e futuro do verbo **rapio, rapis, rapēre, rapui, raptum** (*arrebatar*)

VOZ	PARTICIPIOS		
	PRESENTE	PERFECTO	FUTURO
ACTIVA	<b>rapiens, rapientis</b>	-----	<b>raptūrus, raptūra, raptūrum</b>
PASIVA	-----	<b>raptus, rapta, raptum</b>	<b> rapiendus, rapienda, rapiendum</b>

**PENSUM 5:** Analiza as frases seguintes, respondendo ás preguntas que sobre elas se fan:

**Caesar videns milītes ad pugnam parātos signum dedit.**

Nesta primeira oración só hai un verbo en forma persoal dedit. Tamén, dúas formas non persoais ou nominais, concretamente, dous participios: videns e parātos.

*Análise morfolóxica:*

**videns** é un participio de presente, que vai en caso nominativo ou vocativo. Pola súa parte, **parātos** é un participio de perfecto, que vai en caso acusativo de pl. masc.

Como ningún dos participios está en caso ablativo, non poden presentar unha construción de participio absoluto, pois só pode tratarse de participios concertados.

**Videns** e **parātos** teñen que concordar cun substantivo en xénero, número e caso.

Polo tanto, **videns** concerta en xénero masculino, número singular, e caso nominativo con **Caesar**.

**Parātos** concerta en xénero masculino, número plural e caso acusativo con **milītes**.

*Análise sintáctica:*

Ao analizar a frase, ten en conta que os participios poden levar os seus propios complementos, pois trátase de formas verbais. Así, **videns**, por ser un participio de presente con valor activo e por pertencer a **video**, verbo transitivo, ten que ter complemento directo. Pola súa parte, **parātos**, aínda que pertence a un verbo transitivo, **paro**, por ser un participio de perfecto con valor pasivo, non terá ese tipo de complemento, pero si pode levar outros.

<u>Caesar</u> suxeito	<u>videns</u> participio concertado co suxeito	<u>milītes</u> cto. dir. de <b>videns</b>	<u>ad pugnam</u> cto. circumst.	<u>parātos</u> participio concertado con <b>milītes</b>	<u>signum</u> cto. directo	<u>dedit.</u> V
--------------------------	---	--	------------------------------------	--	----------------------------------	--------------------

Ao traducir, recorda que o participio de presente se traduce por xerundio ou por unha subordinada de relativo co verbo en presente ou pretérito imperfecto.

O de perfecto, por participio ou por unha subordinada adxectiva co verbo en pretérito perfecto pasivo ou pretérito pluscuamperfecto pasivo. O de futuro activo, por unha subordinada adxectiva con unha perífrase verbal que indique inminencia, intención ou finalidade.

**A tradución é:** César, vendo aos soldados preparados para o combate, deu o sinal.

### Regnante Tarquinio, populus Romanus reges expulit.

Nesta segunda oración, hai un verbo o en forma persoal expulit. Ademais, unha forma verbal non persoal ou nominal, concretamente un participio, **regnante**.

Análise morfolóxica:

**regnante**, é un participio de presente. Está en caso ablativo. Concorde en xénero, número e caso con Tarquinio.

Por ir en caso ablativo pode tratarse dunha construción de participio concertado ou absoluto. Como **Tarquinio** non ten función sintáctica algunha na oración de **expulit**, e ademais as dúas palabras, **regnante** e **Tarquinio**, están delimitadas por unha coma, trátase dunha construción de participio absoluto.

Esta construción equivale a unha subordinada circunstancial. Nela o suxeito vai en caso ablativo e non leva preposición.

Análise sintáctica:

<b>Regnante Tarquinio</b> <u>participio suxeito</u> oración subordinada de ablativo absoluto	<b>populus Romanus</b> <u>suxeito</u>	<b>reges</b> <u>cto. directo</u>	<b>expulit</b> <u>V</u>
---	--	-------------------------------------	----------------------------

Ao traducir esta oración ten en conta que se traduce primeiro o participio. A continuación, e sen mediar preposicións, o suxeito.

Se o participio é de presente, tradúcese por xerundio. Se é de perfecto, por participio. No último suposto, o participio que o traduce ten que concertar en xénero e en número co substantivo que desempeña a función sintáctica de suxeito.

**Tradución:** Reinando Tarquinio, o pobo romano expulsou aos reis.

**PENSUM 6:** Analiza as seguintes frases, respondendo ás preguntas que sobre elas se fan:

### Caesar statuit ut milites pontem reficerent. Certum est quod Romani castra summa cura muniabant.

Na primeira frase recoñécense dous verbos en forma persoal **statuit** e **reficerent**.

Polo tanto, existen dúas oracións. O verbo da primeira, **statuit**, é de natureza transitiva, necesitará un complemento directo.

Ao non haber ningún substantivo en acusativo para desempeñar esa función, só pode realizala unha subordinada substantiva, **ut milites pontem reficerent**.

Análise sintáctica:

<b>Caesar</b> <u>suxeito</u>	<b>statuit</b> <u>V</u>	<b>ut</b> <u>conx.</u>	<b>milites</b> <u>suxeito</u>	<b>pontem</b> <u>cto. directo</u>	<b>reficerent</b> <u>V</u>
orac. subordin. substantiva en función de cto. directo					

**Tradúcese:** César mandou que os soldados reparasen a ponte

Na segunda frase, recoñécense dous verbos en forma persoal **est** e **muniabant**.

Polo tanto, existen dous oracións. O verbo da primeira, **est**, é de natureza copulativa, o cal supón que se trata dunha oración copulativa. Nela, o adxectivo **certum** desempeña a función de atributo.

A segunda oración está introducida pola conxunción **quod**, que é o elemento introductor dunha oración subordinada substantiva. Ten función de suxeito de **est**.

Análise sintáctica:

<b>Certum</b> <u>atributo</u>	<b>est</b> <u>V</u>	<b>quod</b> <u>conx.</u>	<b>Romani</b> <u>suxeito</u>	<b>castra</b> <u>cto. dir.</u>	<b>summa cura</b> <u>cto. circunstanc.</u>	<b>muniabant</b> <u>V</u>
oración subordinada substantiva en función de suxeito						

**Tradúcese:** É seguro que os romanos fortificaban o campamento con sumo coidado.